

# Lescha da taglia per la Pleiv Catolica Tujetsch

Sebasond sin la lescha davart las taglias communalas e davart la taglias da baselgia dil cantun Grischun e tenor recumandaziun dall'administraziun da taglia dil Grischun vegn relaschau la suandonta lescha da taglia:

---

## I. Disposiziuns generalas

### Art. 1 Object

Object

La pleiv roman-catolica da Tujetsch incassescha las suandontas taglias tenor las disposiziuns dil dretg cantunal:

- a) *ina taglia sin entrada e facultad*
- b) *ina taglia supplementara ed ina taglia penala*

### Art. 2 Dretg subsidiar

Dretg subsidiar

Aschilunsch che questa lescha prescriba nuot auter valan, correspudent al senn, las disposiziuns dalla lescha davart las taglias communalas e davart las taglias da baselgia sco era dalla lescha communal da taglia e dalla lescha cantunala da taglia.

## II. Dretg material

### Art. 3 Pei da taglia

Pei da taglia

<sup>1</sup> Las taglias sin entrada e sin facultad vegnan incassadas en procents dalla taglia cantunala sempl.

<sup>2</sup> La radunonza dalla pleiv roman-catolica da Tujetsch fixescha sil pli tard il decembver il pei da taglia per igl onn fiscal suandont.

### Art. 4 Subject da taglia

Subject da taglia

<sup>1</sup> Obligai da pagar taglia ein tuttas personas ch'appartegnan alla pleiv sco era tuttas personas roman-catolicas che habiteschan ordeifer il territori dalla pleiv e ch'ein obligadas limitadamein da pagar taglias tenor il dretg cantunal ella vischnaunca da Tujetsch.

<sup>2</sup> L'obligaziun da pagar taglia sedrezza ton tenor l'appartenientscha ecclesiastica dallas singulas personas ch'ein obligadas da pagar taglia alla fin dalla perioda fiscala ni alla fin dall'obligaziun da pagar taglia, sco era tenor las disposiziuns dalla lescha cantunala da taglia.

<sup>3</sup> En lètg, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesadad sin omisdus conjugals.

## III. Dretg formal

### Art. 5 Autoritads

Autoritads

<sup>1</sup> Per execuir quella lescha ein cumpetents – cun resala d'alinea 2 – las autoritads ch'ein incumbensa das cun l'execuziun dallas taglias communalas correspudentas.

<sup>2</sup> Davart l'obligaziun subiectiva da pagar taglia decida la suprastonza dalla pleiv.

**Art. 6 Scadenza ed incasso**

Scadenza ed  
incasso

<sup>1</sup> Las taglias da baselgia scadan ensemen cun las taglias communalas.

<sup>2</sup> Ellas ston vegnir pagadas ensemen cullas taglias communalas.

**IV. Disposiziuns finalas**

Disposiziuns  
finalas

**Art. 7**

<sup>1</sup> Questa lescha ei vegnida approvada dalla radunonza extraordinaria dalla pleiv da Tuejtsch ils 10 da december 2008. Ella entra en vigur ils 1 da schaner 2009.


<sup>2</sup> Cun la vigur dalla lescha ein tuttas disposiziuns e decrets che stattan en cuntradicziun cun quella, en special tuttas eventualas leschas da taglias dalla pleiv roman-catolica da Tujetsch *d'avon ils 10.12.2008, abrogadas.*

Per la pleiv roman-catolica da Tujetsch:

Il president:

  
Leci Brugger

L'actuara:

  
Rita Hitz


Approvada da la regenza tenor il  
conclus dal/dals 22.12.2008 nr. 1879

En num da la regenza

Il president:

  
St. Engler

Il chancelier:

  
Dr. C. Riesen





Sesida dals

Communitgà ils

Protocol nr.

22 da december 2008

5 da schaner 2009

1879

Ils 10 da december 2008 ha la radunanza da la plaiv catolica da **Tujetsch** approvà la revisiun totala da la lescha da taglia per la plaiv.

### **La regenza tira en consideraziun:**

1. Tenor l'art. 99 al. 2 da la constituziun chantunala (CC; DG 110.100) en cumbinaziun cun l'art. 42 da la lescha da vischnancas dal chantun Grischun (LV; DG 175.050) sco er tenor l'art. 26 al. 3 da la lescha davart las taglias communalas e davart las taglias da baselgia (LTCTB; DG 720.200) ston relaschs da taglia da las baselgias chantunalas e dals cumins-baselgia vegnir approvads da la regenza. L'approvaziun è da natira constitutiva (DDA 32/95, publitgada en: ZGRG 3/95, p. 94 s.; art. 26 al. 3 LTCTB).

La regenza ha examinà las disposiziuns da la lescha da taglia per la plaiv areguard lur legitimitad ed ha constatà ch'ellas na cuntrafan betg al dretg surordinà. Perquai pon ellas vegnir approvadas.

### **La regenza concluda:**

1. La revisiun totala da la lescha da taglia per la plaiv catolica da Tujetsch dals 10 da december 2008 vegn approvada.
2. Communicaziun a la plaiv catolica da Tujetsch, Simeon Cavegn, 7188 Sedrun, a la baselgia catolica dal chantun Grischun, M. Augustin, 7458 Mon, ed a l'administraziun chantunala da taglia, cun agiuntar mintgamai ina lescha ch'è

munida cun la remartga d'approvaziun da la regenza, sco er al departament da finanzas e vischnancas.



En num da la regenza

Il president:

Il cancellier:

Stefan Engler

dr. C. Riesen